

人物志

各省縣志紀鄉賢率以人物名篇人或議之考專書藝文志載有江徽陳留人物志趙武孟河西人物志宋璣吳興人物志蓋卽方志人物列傳體故多沿用之昔魏劭之人物志牙別流品辨析疑似體裁近於名家前清四庫全書著錄入雜家則名同實異矣方志雖爲史之一體實與史異善善從長有褒無貶明康海武功縣志兼施以志侵史方隅風土之書究不可歸以國史南董之筆也我縣舊志旣以人物名篇未便立具各省縣志人物門子目雜採類例不一未敢強同舊志此門以次彙

宣章縣志 第十八卷

人物

編有時代無區別今用其例舊志分徵舊輯新兩目並分注採訪某人舉意取捨慎則失之瑣屑矣自隋末至今歷千三百餘年舊志於晉僅載一人在宋置縣以前亦無確據於唐列一人宋列二人漏畧多矣無從訂補仍之明代可紀者漸多近代尤衆除舊省志縣志所載人物悉行略錄外近年事變滋多是非未定初擬訖於宣統末年屢經召集評議員討論最後決議以光緒時湖南通志所載之人物爲限封贈表同以昭平允而除膠葛原分上下三卷現第付印上卷

徵舊

晉

谷儉湘州刺史甘卓舉儉為秀才儉辭不獲命州厚禮遣之諸州秀才聞當考試皆憚不行惟儉一人到臺遂不復策試儉恥其州少士乃表求試以高第除中郎儉少有志行寒苦自立博涉經史於時南土彫荒經籍道息儉不能遠求師友惟在家研精雖所得實深未有名譽又恥銜耀取達遂歸不復仕

按事見晉書甘

卓傳本傳稱儉為桂陽人省志編為郴州人物舊志謂宜章於晉時地隸桂陽今谷氏子孫族居宜章惟事在未置縣以前谷氏著籍縣境又在趙宋時相去亦遠舊志既載仍之

唐

黃師浩字延應原籍江夏四世祖鼎舉唐開元六年進士官連州刺史任滿居連州松柏山子啟順徙縣境漿水傳二世至興

宜章縣志

十八卷

人物志

二

文生子二次師浩生而雄傑嘗曰大丈夫生當侯封萬里死當廟食百世會昌甲子登賢書乙丑成進士出守智州

原在今河池洲先

是上黨賊劉禎作亂其麾下郭誼斬之投降其小帥馮翼怒率其黨萬六千人由上黨竄江陵入智州邊境秋八月師浩下車統州兵及鄉兵得三千人出戰敗之斬三百餘人翼竄柳州九曲山依險立寨平章事李德裕命靜江都統胡希徵分兵擊之希徵命總統兩軍退兵三十里以誘之翼果傾寨出先命伏兵焚其寨統兵邀其前翼驚駭欲奔樂州伏兵截路首尾夾攻陣斬翼降七千餘人希徵以師浩攝靜江副將任論功陞靜江副將會昌六年以浙西觀察使李景讓薦入都參謀軍事大中元

年吐番黨項寇河西奉詔與河東節度使共討之戰於鹽州六
捷官都統咸通元年春正月浙東賊裘甫作亂與浙東觀察使
王式奉詔討賊圍之擒裘甫復討裘黨劉晔劉慶矢中左額遂
仆時六月二十五日也王式擒慶旼斬之械甫人京以事奏於
朝懿宗命使臣傅輔護喪歸葬封武陵侯建立專祠於漿水元
明歷加封贈清時入秩祀詳見祠祀志按舊志紀載甚畧今據
石虎山武陵侯志載碑
文節錄之原書則郴州舉人謝宣著武陵侯碑考證茲照錄於
女徵河池郡名隋置統今微縣兩當之地宋移治因縣元廢即
今甘肅徽縣治及本鳳州唐曰河池郡今陝西鳳縣是又縣名
宋置故城在廣西池州東據本傳當在甘肅境靜江唐軍名在
廣西桂林縣

宋

宜章縣志

十八卷

人物志

三

杜唐卿字興宗宋元豐間進士調浮梁主簿興學校芝生於學
從遊者二百餘人有善政百姓德之後累官至司農祀鄉賢祠
姓譜

李伯湛字若水嘉泰二年壬戌進士任吉州永新尉歲歉餓殍
相望白其長自往賑濟全活數千人時尙寇猖獗湖南江南三
路驛騷練鄉兵分布弓手結寨禦之寇輒引去轉德慶府學教
授振興士習廣帥楊長孺薦辟恩州僉判攝守事州濱海羣盜
出沒島嶼官雖設捕盜與吏卒相表裏遇商賈往來剽取其貨
反誣執爲盜有擒數人誣爲盜者獄成伯湛復鞫平反之天久
不雨旣釋囚乃大雨州人大悅薦吏部郎未及職行至曲江道

卒見宋陶崇作墓碑舊志畧
參省志

黃子瓊字朝琚南宋末助文天祥起義勤王軍敗自贛聞關來

湘是為梅溪黃氏始遷祖急公好義所居成聚元初縣令詳請

頒給楚南義士匾額今存舊志編大明時
據黃氏譜改

明

鄺子輔字雄德洪武初以明經任本縣訓導一統志云以薦舉
為本學及長泰訓

導清慎有學
諸知政體薦授安福知縣不就改句容教諭所在咸立師範

教子楚成進士永樂中楚官陝西按察使嘗以俸錢易絨褐歸

奉子輔大怒封還以書責之一統志曰子楚為陝西副使嘗寄
父紅鬪于輔書責之曰汝司刑名

當洗冤釋物無忝厥職何從得此
乃以汚我耶其家教清嚴類此楚思見父與僚友謀聘為鄉

宜車縣志 十八卷 人物志

試考官于輔復怒責之曰豈有子廉訪而父衡文者乎其義方

之嚴如此此鄉賢誌

鄧文瑞字德正明初以明經任本縣教諭士論翕然以子本道

賢贈奉政大夫祀鄉賢湖南通志

黃克修字敬夫永樂甲申進士任四川雅州同知潔己愛民官

至陝西提學僉事祀鄉賢湖南通志

鄺楚字孟質號樸齋子輔子永樂辛卯進士授監察御史成祖

在北京或奏南京鈔法為豪民沮壞遣楚廉視眾謂將起大獄

楚執一二市豪歸奏曰市人聞令震懼鈔法行矣事遂已倭犯

遼東戍守失律者百餘人皆應死楚按問具言可矜狀帝乃宥

之營造北京執役者鉅萬多病疫命楚稽省病者多不死十六年有言秦民謀不軌擢楚陝西按察使副使勅以便宜勦捕楚白其誣詔誅妄言者在陝久刑政清簡父變服闋擢應天府尹市征田稅皆得其平正統元年晉兵部右侍郎明年尚書王驥出督兵楚獨任部事時邊陲多警將帥乏人楚請令中外博舉謀畧武士以備任使六年山東災楚請寬民間孳牧馬賠償之令以甦其力十年進尚書瓦剌也先勢盛楚請嚴備又請增大同兵擇智謀大臣巡視西北邊罷京營修城之役令休息以備緩急時不能用也先入寇太監王振主親征不與外廷議可否詔下楚上疏言也先入犯一邊將足制之陛下爲宗廟社稷主

奈何不自重不聽既扈駕出關力請回鑾振怒令隨大營墮馬幾殆或勸回懷來城就醫楚曰至尊在行敢托疾自便乎車駕次宣府成國公朱勇率兵五萬冒入鵠兒嶺敗沒楚請疾驅入關嚴兵爲殿不報又詣行在申請振怒曰腐儒安知兵事再言者死楚曰我爲社稷計豈畏死耶振叱左右扶出明日師覆土木死年六十五景泰初贈少保官其子儀爲主事成化初謚忠肅弟璽字叔寶景泰初詔書求賢知縣陳恭以璽薦特旨徵之辭不赴構精舍於玉溪之澗徜徉以終老明史有傳舊志略鄧本道字介軒永樂乙丑舉人試判南雄府有聲譽擢刑部郎中出守寧國府罷歲供無益之費民頌其德祀寧國名宦祠本

縣鄉賢祠

湖南通志

曹德懋永樂時歲貢官樂昌知縣清廉自矢惠愛及民開山鑿

石發砌瀧路祀樂昌名宦祠

湖南通志 按樂昌志載正統七年幸縣莊簡清慎訪民間勤惰為

勸懲民爭自勵學宮壇壝間松杉皆其所植後人以比召公甘棠云

吳務敏字聰穎號達齋為學以身體力行為主不屑屑章句弱

冠補諸生中永樂庚子舉人官雲南澂江府江川縣知縣教養

兼施都察院李中丞以其才幹精明操守廉謹調任浙江金華

府武義縣繁缺卓著循聲越四載以終養致仕歸

郴州總志

王友信字懿安制行高潔言動不苟宣德時貢入太學不樂仕

進歸里授徒從遊者眾多所成就

湖南通志

宜章縣志

十八卷

人物志

六

鄧彪字文炳嫻技擊智勇過人宣德時西莽寇起往剿平之論

功擢永州守備授均州遊擊以老告歸卒年七十六

舊志佚據諸補

曾遠字九達父子仁號於天元末入太學除授真定府同知遠

中正統丁卯舉人性至孝戊辰不第省父官署甫一月父卒於

官扶柩歸葬廬墓三年服闋授鞏昌府推官有能聲擢任太平

官知府多善政沉寃皆剖時有巨寇作亂遠親往撫慰即解散

院司欲擢遷之自陳衰老致仕歸郡人感德建祠立碑復請祀

名宦歸里八年卒祀鄉賢祠

郴州總志 泰省志 并曾氏譜

彭侃字士剛景泰癸酉舉人授廣西灌陽縣知縣清靜無擾課

最陞上思州知州廉介自矢時有同年友為兩廣都御史致厚

餽佩却其金第受墨數篋其風節矯厲如此

郴州總志

鄧紳本道子嘗出粟千石賑饑旌建義士坊

通志并郴州總志

鄧岸字宗周本道孫福建漳州推官紀子成化壬辰進士初授行人司行人使晉府及詔誥江西餽贐一無所受戊戌伴送日本進貢陪臣出境所過州縣肅然己亥擢浙江道監察御史庚子上疏陳時政八事上多嘉納辛丑巡按陝西錄囚多所平反有編戍海南者道出宜章見庠閭表曰此活我御史也泣拜去甲辰巡按順天等府京師肅清乙巳延綏鎮守官誣奏巡撫都御史余子俊侵蝕錢糧奉命偕工部侍郎杜謙給事中吳道寧往按爲白其誣丙午監順天府鄉試是年貴州巡撫謝景奏爛

宜章縣志

十八卷

人物志

七

土苗反請兵往討兵部尙書馬文升請以庠僭員外郎費瑄往按得實白苗無反狀直詣賊巢招其酋長長脚豹等宣布德意開示禍福降數千人事詳明史費宏傳丁未丁繼母憂免歸以親老不欲再出父強之乃起改河南道監察御史陞河南按察副使壬子分巡大梁癸丑賑饑懷衛禁私造庵院教民鑿渠治田引濟沁伊洛之水灌溉萬餘畝甲寅河決張秋奉命董疏濬事丙辰巡汝南陞按察使乙未轉廣東右布政使廉得總鎮太監王敬剝削珠香象犀諸不法事繩以法辛酉陞廣西左布政使剿平桂林古田叛蠻甲子陞都察院右都御史總督南京糧儲申嚴戒勅無敢爲姦利乙丑丁父憂正德丁卯服闋權奸索

賄弗應又三年始以舊秩巡撫河南劾鎮守太監廖堂及其弟
鵬倚勢害民卽逮捕治罪又以汴城西關居民萬家無城堡乃
輟修河夫二萬人挑塹築城深高各二丈廣如之延袤十五里
築三門蓋以磚石踰月工成汴民賴之秋陞戶部右侍郎懇請
休致歸築室城東因以東溪自號復建晚翠清風濯纓覽秀等
樓閣亭榭引蒙泉爲曲水招要賓朋觴詠若將終身甲戌用臺
諫論薦改都察院左副都御史巡撫蘇松等處貪吏屏氣豪猾
歛迹晉南京戶部尙書卒年七十七祀鄉賢楚知并湖廣通志
高蔭先字士德成化丁未進士授行人司行人奉使朝鮮館伴
來迎蔭先曰朝鮮稱王受命天朝王不來迎是與王人抗矣王

宜章縣志

十八卷

人物志

八

謝罪來迎餽遺一無所受擢御史巡按大同多所建白會劉瑾
擅政以病告歸瑾敗復官至四川參政燕居如對賓客閨門嚴
若朝典交友以信見人患難必思亟拯之祀鄉賢姓譜并湖廣通志
王佐天順己卯舉人知泰興縣調鄆城所至愛民如子不畏疆
禦居鄉淡泊自守不愧古人省志

曾福庸字常吉成化辛卯舉人幼失怙事母以孝聞性剛介任
四川蓬溪知縣去蠹除奸豪有歛迹設法救荒民賴更生祀鄉

賢

湖南通志

譚鵬字翼之號冲霄宏治間歲貢授山東泰安州同興學勸農
舊例有夫馬羨餘鵬申請供泰山歲時祭費一無所染郴州總志遷冀

州知祀鄉賢 湖南通志

蕭俊字哲庵由吏員官韶州府經歷旋攝府事值郡境大饑餓
芋載道捐俸賑濟全活甚眾有囚不應死郡守欲置之法固爭
始免晚年解組歸田粵寇竊發親率鄉勇置伏設堵追斬過當
縣境以安事詳太守曾遠贈序

吳諫字汝忠號玉溪幼聰穎十五歲補縣學生弱冠中宏治辛

酉科亞元 舊志母夢明月入懷生諫辛酉 官四川新津縣知縣

陞漢州知州百廢具興清廉屬年老解組行李蕭然士民捐

金助之方成行 郴州總志

鄺瑀字連峯正德癸酉貢生剛方孝友始教廣元繼相汝府藩

宜章縣志 十八卷 人物志

王皆尊禮之服闋不仕非公不見邑令人稱篤行君子 郴州志

鄺本庸字宗道嘉靖乙酉貢生任雲南平彝衛參軍以廉著及

歸行李蕭然無異儒生祀鄉賢 湖南通志

吳頤字靜軒號寧齋博綜典籍嘉靖戊戌選貢授鳳陽府同知

善政民愛鐫碑立祠官滿入覲卒於京 郴州總志

李顯卿太學生親病籲天請代及沒廬墓有瑤草紫芝之異 湖南通志

黃佐幼孤傭耕養母母病思肉食貧不能購佐割股肉烹以進

母病即愈及母沒哀毀卒 湖廣通志

王鐸字竹塘嘉靖戊申貢生果毅練達歷官浙江仁和山陰教

諭振興文教晚年解組歸浙人請勉送以序

李廷球省志作廷珠號榜山嘉靖間由歲貢官山東新城訓導
啟迪殷勤有貢生某廷球器之捐俸資助竟學後其人捷南宮
官至湖南巡撫人服其藻鑑陞宿松教諭湖南通志

顏欽萬曆時貢生官松滋訓導隆慶戊辰知縣黃應芳創修縣
志欽與學博李文廊沾庠生鄧承志同任纂摭萬曆丙子州牧

胡漢聘校州總志

黃仁聞萬曆時選貢官邵陽訓導陞西安教授振興文化作育
人材著有先聖先賢懿行詩

陳嘉礎字元石總角補弟子員淹通經史見重於同知李邦華

宜章縣志

十八卷

人物志

十

辟參軍務固辭歸隱著有岫嶠集湖南通志

胡文璧字崑山樸實篤厚和睦鄰里振恤困乏年逾八十未嘗
入公門舉鄉飲賓謝不應邑令謝基旌其閭郴州總志

楊芝蘭貢生父九經富甲一鄉施九庵十八渡壽八十八歲卒

芝蘭忠厚淳謹耄猶好學邱園自樂壽九十七卒郴州總志并參楊氏譜

藍為裳字文身孝友端方好行其德荒歲賑饑常濟人急成人

美鄉里頌義郴州總志

胡正倫字冠南萬曆間以歲貢官丹稜教諭持己耿介遇事公
平有包氏鬻女於正倫即還之并貽以金郴州總志

李聯甲字荆璧萬曆間歲貢官湘潭訓導擢鹽法牙司府判鄭

兵難作被執誘以爵叱罵曰賊輩傷殘良民蹂躪疆圉恨不生

啖爾肉今為爾執惟一死報國耳遂遇害

原注從貢生王可憲書事補入

李之誠字純樸少穎異州角能文以泰昌選貢任郟城縣丞陞

貴定知縣縣有龍里二衛例出走馬之需衛扶姚三族私餽二

千金欲派民共任之之誠以例不可變賄不可受堅却之及官

黔中勸農課士苗頑悉格黔民立生祠祀之陞思南府同知

原注

從進士段宮錦傳補

胡瓊字玉芝天啓選貢初授崑山主簿潔己愛民陞應天府參

軍

湖南通志

吳楷字端木崇禎壬午拔貢性孝友隱居三十年績學不倦精

宜章縣志

十八卷

人物志

十一

於尚書清順治初經畧洪承疇薦之不起

湖南通志

清

胡懋敬字穆修瓊子篤行好學康熙中以貢生知鎮原縣操守

廉介請謁不行卒于官士民德之習葬縣境後歸葬

一統志

彭一琮字虛中性耿介寡言笑以歲貢任蒲城縣知

縣舊志作景蒲城誤

徙濟源治尚簡靜持法不阿吏民畏愛之以老乞歸宦橐蕭然

湖南通志

李會陽字受之康熙甲辰貢生博學能文工詩值時艱隱居牙

塘莊著有只可集硯田集康熙二十四年修志多採其遺稿

總志

王可憲字承之康熙己酉歲貢忠厚端慤好學博覽不預外事任藍山訓導始至按功令課士先諭諸生戒期勿失時縣境初定人稍嚮學知自重肩藉者試場舊弊也有富人行千金請入籍可憲斥絕之不登其名在任八載卒於官舊志畧參藍山志鄭逢經康熙庚午貢生性介直村落間有空舍鬼物憑焉人不敢居逢經讀書其中鬼物寂然郴州總志

彭君揚名一宦以字行父堯朋淡泊寧靜喜山居年九十餘君揚侍養如孺子慕兄弟析產推多取少學使繆沅給以恒德攸好額郴州總志

吳先致字至尹楷子廩生幼時母被蛇傷終日抱痛不食復病

宜章縣志

十八卷

人物志

廿二

痢年餘滌汚煎藥不假人手父鰥居夜必伴宿衣食躬親親墓險遠屢展省之臨貢年卒著有嶺雲集三卷藏稿二卷學使倪國璉爲之序祀忠孝祠郴州總志

楊鼎臣廩生慷慨好義歲饑出粟賑濟其父造平和橋竭力贊成捐修道路以利行人郴州總志

楊圭字子執庠生剛直豪俠州屬創建考棚經營措置復捐多金以勸厥成邑令鹿廷瑛委解餉銀衛護備至縣中義舉踴躍郴州總志 仗助

吳先覺字思任孝事繼母壯歲補縣學附生敦品行足不履公庭縣令舉鄉飲賓辭不就樂山水學使習篤贈以隱德方靖節

碩行續草廬聯郴州總志

曾榮春字梅谷庠生敦行孝友立品端方寄情詩酒建茅屋黃
岑嶺手植花木陶然自適著有黃岑詩集邑令蔣宗芝欽其高
致令子綱師事之及蔣罷官宦橐蕭然榮春資助百餘金始成
行學使習鶴贈以天性淳篤郴州總志

曾超字非羣庠生孝友性成事親色養無違輯睦宗族鄉里稱
賢郴州總志

李會淳字如龍庠生父外出數年事繼母承順無違父歸患病
親調醫藥為繼弟婚配置產邑令蔣宗芝旌以額郴州總志

李良旭性慷慨好成人美不吝重賞邑令蔣宗芝旌以匾額郴州總志

總志

李會淳字似龍庠生淳樸端慎事繼母以孝聞友愛諸弟無異
同產鄰人負債鬻產捐金曲全之以禮讓式於鄉雖驕悍亦感
化之縣令楊葳以膠庠端士稱之舉鄉飲介賓卒年八十三丙子

舊志

谷遇孝事繼母吮臍得愈出倉穀賑族并全活鄧某一家族有
鸞子者為贖歸并給婚費捐修碧仙橋縣令陳旌以孝義郴州總志
高宏湯慷慨好義鄰人質將鸞子賑以穀得全建井水腳涼亭
并五甲冲谷溪水二石橋以便行人郴州總志

蕭長捷慷慨輕財康熙二十六年由吏員任經歷司代償江西

宜章縣志

十八卷

人物志

十三

裴某債並助歸裝捐貲爲族孫娶婦施棺以瘞遺骸發穀賑饑
凡學宮城隍廟育嬰堂多其捐助

郴州總志

吳家爵庠生常貧四季勤以愈父病邑令楊箴贈以菊惹芹香
額嘗以腴田易昆季之薄者爭產者感化焉

郴州總志

吳家龍幼喪父哀毀若成人母病禱神乞以身代諸弟有早逝
者撫姪如己出以肥美田宅推讓之學使夏之蓉旌以樂善可
風額子孫多列膠庠德漢舉於鄉

郴州總志

李逢欣年十三父卒哭之哀數日不食母病焚香禱天乞以身
代祝畢號哭氣絕家人急救始蘇母夢神告以帝憐子孝增其
壽病遂愈

湖南通志

宜章縣志

十八卷

人物志

十四

歐民善庠生性孝義以父次成命出繼叔父玉隆玉隆染瘋疾
親爲扶持溺器身自洗滌歷三年無倦並賑施以祈親壽後玉
隆病愈生三子民善愛如同胞並以本生父所授田均分與弟

郴州總志

藍正誼監生天性純摯幼聞塾師講溫清定省之儀即竭力承
歡侍父病日久衣不解帶父思出遊作竹床卑之遠近惟命曾
祖母歐陽氏祖母吳氏苦節未彰承父志請旌於朝卒時遺囑
葬傍父母墓

丙子舊志

王杰字常人可憲子康熙庚寅恩貢恬靜冲和潛心宋儒理學
著參訂易經四卷康熙乙丑壬寅增修縣志均與分校

郴州總志

李耀璠字孔美恩貢生性嚴謹嗜學早年喪偶不再娶誘掖後學耄老不倦卒年九十二

郴州總志

彭必大字元首少孤事母孝博學善誘族弟必琨貧勗使竟學後舉於鄉生平不喜入城市惟集鄉人宣講邑令潘果招之不應以達尊稱之年九十三卒

郴州總志并舊縣志

彭必琨字玉山雍正癸卯舉人性孝友規言矩行博覽百家爲文不蹈恆蹊教授生徒以明經立品爲務著有詩集古集四書文各一卷

郴州總志

鄧如俊字千上雍正甲辰舉人持身嚴謹爲文苦心孤詣憂憂獨造學使每有國士之目著述頗富卒後散佚

郴州總志

宜章縣志

十八卷

人物志

十五

王逢鄖字楚伯沉靜淵雅博學能文雍正壬子舉人癸酉選福建庫大使未抵任卒

郴州總志

李象宸字居北歲貢生幼孤力學從遊者憚其嚴正多所成就

郴州總志

李耀珣字如次幼孤事兄謹事必稟命粵人葉尙臣寄銀數十兩於耀珣人無知者未幾病卒臨武耀珣以原銀還葉弟好義輕財人多推重

郴州總志

黃榮繡性好善延師課族中子弟捐修祖祠施田設平家塘渡賞助建文塔邑令周士贈以誼正道明額

內子高志

劉夢濂附貢生性灑落卜築村皋構觀瀾齋延師課讀知縣劉

汝楫輯陶句贈之云詩書敦夙好林園無世情郴州志

谷昌陟庠生好詩書屢躋棘闈絕意進取家居上鄉自清採山

釣水以供親饌不入城市邑令潘果旌以醇詣丙子舊志

谷昇監生少孤携弟同居淡泊寡營惟以詩書課子年八十三

卒丙子舊志

吳國珪字生次篤於孝友持身嚴介拔貢廷試後隱居松竹林

以清閣自號著有風帆編詩賦文集西園刊方居家四禮醫門

保身錄等書郴州志

吳國琛事親孝母病叩神求醫心力交瘁父逝課弟成名父母

好施多捐資以成親志郴州志

宜章縣志 十八卷 人物志

李尚明事父以孝友愛兄弟撫教諸姪析產任擇佳者捐西門

地基並虹橋商店於學宮郴州志

李萬隆慷慨好義邑中善舉捐助甚多知縣劉汝楫改教職貧

不能歸獨餽五十金郴州志

李學仲中年無子買粵人黃某妻為妾甫入門見有戚容詢知

為虧餽餉故即遣之並資以金後娶穆氏生子卒年九十八邑

令潘果旌以克敦古道郴州志

李良豪捐社倉穀育嬰堂田倡建新南門施棺木資族人婚娶

捐修橋路義舉甚多郴州志

鄧林揚喜施予置田為遠祖祭產鄰有因債鬻媳者止而代償

之凡捐助公役不惜重貲州牧胡星旌曰慈義

郴州總志

歐陽德憲性好善捐數十金助房姓娶婦房祖因貧鬻子為傭

銀贖歸歲饑出倉穀八十餘石以濟族鄰

郴州總志

谷必璽立品端方好行善事常以有餘濟不足義聲載道

郴州總志

曾華恭字尚禮存心忠厚設帳授徒學生靡校先貧欲改業撫

養訓迪成諸生且資婚娶晚年慕陶靖節風栽花種竹邑令胡

早贈器度端凝額

郴州總志

鄧貴祥官江南主簿致仕歸遇歲歉傾囊賑施全活甚眾

郴州總志

蕭應昇豪俠好義以平石商船上駛至章水章橋傷損車壩有

害民田奔控兩廣總督禁商船過白石渡

丙子舊志

宜章縣志

卷十八

人物志

十七

鄧正諫監生直方仁厚足不履公庭捐田以祀遠祖施棺以瘞

胥民捐社穀焚債券邑令胡星旌以淳厚可風額

丙子舊志

鄧道炯監生施藥以濟病疫助棺以葬遺骸施茶以利行人竭

力行之

郴州總志

鄧道時歲貢生幼誦孝經天性油然父病竭誠祈禱為母舐糞

為弟納妾姊早逝給田撫甥親喪廬墓六年人有貸父金者對

靈焚券官茶陵州訓導士論翕然

郴州總志

彭承琦字又韓庠生家貧事親孝節衣食以奉甘旨母早逝父

體素弱承琦服食藥餌左右奉養無違父壽至九十餘至奉諱

時承琦年五十二哀毀動人終身泣慕邑令胡星贈聯云孝友

根天性文章邁時流乾隆丁丑舉鄉飲介賓丙子舊志

谷超庠生性純篤年十三失怙奉母鄧氏竭力承歡母病危祈

禱願以身代母獲痊壽至八十三盧陽參將宋和貴乳源孝廉

楊大經為作詩贊郴州總志

歐陽珩字文聲例貢生嘗捐穀八十石以賑饑饉平險道施茶

湯以便行人郴州總志

歐陽琮監生有族人田圯於水助以穀九十餘石施棺以瘞馬

溪坪枯骨多塚亭障橋路尤樂捐修丙子舊志

曾瑞安幼孤勤儉起家推田宅與弟共之為弟姪婚娶捐修楚

粵界谷溪水石橋郴州總志

宜章縣志 十八卷 人物志

高簡文慷慨好義有佃戶欠租將嫁妻以償裂其券而免其租

嘗拾遺金於野濟亭坐候其人還之牙半為謝笑不受丙子舊志下同

陳祐事親孝父多病施金為父祈福母持素祐亦久不茹葷為

弟姪輩教育多金不吝並推腴產與之

劉光監生幼時出繼鄒氏後因思親歸宗鄒母歿喪葬盡禮為

鄒氏弟婚娶弟死又為其子婚娶族戚之得其扶助者甚眾

黃正韓字文著輕財好義有從姪幼孤撫養婚配視若己子姪

妖遺三子族眾欲嫁其母以全其子力止而贍給之年捐穀六

石於梅田渡縣令楊旌以仁讓可風額

陳子桂庠生孝友好義歲饑出倉穀三百石並銀五十兩賑之

見義勇爲事多類此

黃可儼喜揮霍縣中義舉樂爲倡首捐貲以建占鼇塔
譚邦仕宅心長厚歲饑賑穀六百石捐築大水巷石橋
鄧千億醇樸溫和凡遇急難善舉率傾囊仗助縣令楊文植以
敦仁好義額旌之

鄧千屍幼穎悟好讀書勇於爲善建橋修路賑饑施棺義舉甚
多

廖國龍字周山例貢生忠厚樂施年當青黃不接及臘月族鄰
有困乏者輒出粟周之捐助本都社倉穀百石又捐貲買田二
十畝爲臨藍要津許家渡造舟雇夫費捐銀五十兩修萬安寺

宜寧縣志

十八卷

人物志

十九

橋安原作縣中公舉無不樂助

廖國梓字魁元秉性爽直輕財重義凡縣中公務踴躍輸將力
鋤惡蠹受累不悔然諾必信動履不苟排難解紛損己利人輒
樂爲之壯年失偶鰥居不娶人咸義之

蕭國恩重義輕財拾張某遺金三十餘兩卽還之又有友人北
直陳某託其妻於國恩而往遊粵省數年不歸遣子覓回俾其
夫婦完聚孫參將贈以尙義可風額

李義相貢生豪俠孝友嗜學不倦絕迹公門修橋砌路輒倡捐
成事

李惟成庠生渾厚周慎博通古今著有四書講義愛菰集士大

夫目爲大器

以上乙丑舊志列爲輯舊

李會護鄉居好義鄰子爲盜其家長欲生坑之會護力止之鄰子感泣自新中表質戚賴其力得完娶者三平生任恤閭黨全活寡人子女無數逋負錢穀悉焚其券以下乙丑舊志列爲輯新

李象蔣字華生家不甚饒性好施濟康熙四十二年大旱捐粟賑饑按名周給見路殍卽買棺瘞之縣令蔣宗芝旌以厚德可嘉額子淑清曾孫德超皆中式武舉人

陳文資字見泉建義渡於楚粵通衢卜樓河間并捐田畝以給舟子縣令王嘉謨旌以匾又贈善行錄有爲善最樂樹德務滋語

宜章縣志

十八卷

人物志

二十一

蕭宗爵字廷錫篤於天性其父久居川省赴蜀省親凡六往返不辭艱險事繼母李氏於家色養不衰年逾七十母怒輒長跪以謝

宋用璋字圭瓚少失怙有三弟俱幼用璋遵母訓勤敏持家諸弟成立美田宅多推讓之堂叔遺一子往川用璋時年六十六慮叔絕嗣赴蜀尋歸鄰里稱貸無稍吝并捐貲倡建縣城考棚林逾蕃字青山生數歲父携入川居潼州府射洪縣弱冠魁蜀闈乾隆辛未成進士丙戌補衡州府酃縣知縣己丑解組來縣省祖墓修家譜有姊適縣中謝氏迎之同居年餘返蜀作別姊行著有青山文集四友軒詩草

吳國瑄字揚次行端履潔工詩賦以歲貢任衡州府學訓導著有東山稿湖湘草詩賦二種

吳家章字江亭雍正戊申拔貢博覽羣書善屬文學使習寫聘校試卷評隲悉當主講玉溪書院從學者歲輒百數十人同年生廣東巡撫祁陽陳大受招之不應任桑植縣教諭訓課勤慎學署舊有碑刊載上中下戶束金並丁憂起復規例家章曰師生固非利取焉有因喪而以爲利者乎立毀其碑著有學庸句解乾隆丁丑舉鄉飲大賓

吳家邵字勉軒雍正甲寅拔貢任藍山教諭其地多我縣民徙居者家邵課其俊秀子弟言於縣令準應試成就頗多乾隆丙

宜章縣志

十八卷

人物志

一一一

子參修縣志

吳德溥字周庵敦本力農撫兩異母弟成名事繼母孝竭力奉甘旨母愛逾所生居喪盡禮孝稱鄉黨孫楚翹舉於鄉贈文林郎

李淑能字純儒歲貢生博學能文經師自任弟淑龍姪延珠傳其學爲邑名宿孝廉吳德漢吳家修皆出門下性渾厚端重閭里矜式官通道訓導卒諸生如失所依

李淑龍字紹明歲貢生品潔行端爲諸生時屢試冠多士以文藝見重當事有粵民與邑人訟粵民理直懼不勝浼其戚持大百金賂淑龍爲左袒嚴拒之赴京應試以父年衰禱於南嶽茹

素四年主講玉溪書院十二載知名士多出其門非公事不入
公門縣令張陸兩公稱爲真讀書人銓授寧鄉訓導勤於訓課
士之貧者不受其贄或遇冤抑必爲委曲申雪士林德之丙子
參修縣志

李延珠字玉帛歲貢生肄業國子監銓任淑浦訓導家貧至老
績學不倦縣中高材生多出其門解元彭運修其高足弟子之
一

李彬字特士監生個儻好義乾隆丙午丁未連歲大饑戚隣負
債者焚其券不責償教官姚明燦罷官貧不能歸彬竭力扶助
姚所著日鑒錄冒暑分送鄰邑姚得資藉回籍守備劉成遷官

宜章縣志

十八卷

人物志

一一一

江寧欠公帑數百金其弟豹適選拔將入都皆以賞緡不能行
彬變產助之縫工胡獻斌以父欠人債六十金將鬻妻以償彬
見其容戚詢之得實立代償之長子庭沅性仁厚有聲庠序先
彬卒

程德元字鴻川監生事母孝色養無違族人某貧將嫁其妻曲
譬止之以八十金周其乏爲人排難解紛揮金不吝

劉映瑞字彩章監生少孤事繼母董盡孝董年八十溲溺狼藉
映瑞率妻扶持洗滌歷數年不懈母卒輒泣墓所縣令汪大亨
旌以孝義額

蔡光湖字鏡川有粵商以銀三百圓託寄其友徧訪不得其人

原封還之乾隆丙午大饑賑穀三百石

歐陽孔文義建城西鼓背嶺亭及廣田之廣福福善二石橋並捐田助養正書院諸生膏火費

歐陽時魁字書元家貧販鹽水東市時山潦驟漲有小兒落水呼人拯之許以重金及出乃乞兒也不問姓名罄囊償之

歐陽昌亨捐金掩瘞馬騎坪枯骨數十具臨卒囑子志芬改修烟竿嶺石路行旅便之

李德珍慷慨好義粵商葉某漂泊樂昌病死買棺斂之送歸其鄉舅家中落與弟德亨慨然助以膏腴田鄉居破費解紛勇於行義臨卒令家人焚借券數十紙

宜章縣志

十八卷

人物志

二二二

劉繼承篤於天性眼觀五代親喪寢苦枕塊酒肉弗御歷三年遇生忌辰必哭奠墓所邑令汪大亨旌以額

黃昌茂字大迴監生乾隆丁酉縣建考棚與弟職員昌裳捐錢二百串儲鹽園生息爲試童茶水暨修理費載入義士碑

黃昌盛字飛仙好善樂施有借貸力不能償者面焚其券乾隆丙午捐穀賑饑卒年八十七白衣冠會葬者數百人

鄧千吉監生孝友好善建亭修路獨力任之歿禮儒士落魄者多得資助縣建考棚捐賞倡先縣令汪大亨旌以額

吳德漢字宗海號南溪乾隆丙子科舉人官善化教諭監課嶽麓城南兩書院博覽羣書並精醫術本縣文廟考棚書院東塔

奎星閣洞庭祠兩學署節孝祠皆其倡建著有醫理輯要十三
卷大學士劉權之庶吉士劉琮琪中書張梅并爲之序又輯鄭
忠肅公遺錄柳侯傳刊布嘉慶二年縣人請祀鄉賢祠省志
吳集功字敏來號仁山歲貢生講學莽山新民義塾十餘年樵
俗丕變樵人至今稱仁山先生

吳集勤字敏學恩貢生家章子父卒桑植官署扶櫬歸葬哀毀
盡禮事母孝母怒輒長跪受教兄弟有貧乏者輒哀益之年八
十手不釋卷選常寧教諭未赴任卒

吳家蕃字方文醇謹好義捐田助養正書院膏火費又捐田於
反仰嶺涼亭施茶乾隆辛丑改建文廟捐田三畝爲兩廡泮池

宜章縣志

十八卷

人物志

二四

屏牆及忠孝節義祠地基

吳德旻敦善行不倦撫諸弟以厚鄉鄰紛爭片言立解捐貲創
建羅家塘及繼興兩石橋行旅稱便

講學理好施濟族有艱嗣者爲置妾至再不吝親戚借貸貧者
卽焚其券孝廉吳德漢貢生李延珠舉報義士縣令汪大亨旌
以額

藍士毅字能任以祖母歐陽氏苦節請旌獨力建坊比鄰曾學
三母卒貧無以斂買棺昇之谷某將出其妻士毅諭止之縣令
陸機旌以善信額

李正甲字冠廷恩貢生學師陶煜稱其順親信友重道尊師有

妹歸陳氏少寡而貧給養終其身有姊適歐氏亦貧生養死葬
曲盡友愛

歐陽誥字錦堂歲貢生弱冠餼於學試輒冠其曹教人不倦從
學者館舍不能容性渾厚無妄言輕儇者望之歛抑悍鷙者即
之和平子昌鑑以選拔官淑浦教諭

李冕字冠山學問淹雅工詩賦乾隆丁酉拔貢肄業國子監候
銓教諭歷充廣西鬱林州紫泉書院廣東連州星江書院本縣
玉溪書院山長著有南莊詩文集

陳華秀字向榮庠生正直端方非禮聲色必遠避之設帳課徒
非應試足不履城市

宜章縣志

十八卷

人物志

一二五

陳子德字智山歲貢生克治自警細行必矜几案帷榻拂拭瑩
潔嘗謂人必能去垢而後能去惡文宗先正束脩所得盡以購
書

陳嘉器字俊三歲貢生勤於訓課自弱冠至耄老不與外事

彭鐸字際武例貢生乾隆丙午年出穀賑饑徧周貧乏修砌縣
南濫泥坳孔道橋路延師課親族子弟資土助之膏火造就甚
眾宗黨入京應試者多厚贖之

徐斌字全才監生崇儉篤倫喜讀書延師課讀禮數優渥族中
子弟培植甚多五子俱入庠

彭運修字宗歐號曉霞乾隆乙酉拔貢庚子領鄉解歷官武昌

東湖長陽知縣所至民愛所去民思分校鄉閭薦拔多知名士
解武昌任時士民遮餞百里不絕有清不受一錢衣裾不可牽
之頌教匪訐襄樊間檄攝黃州同知輓輪團練勞勩卓著平生
說經鏗鏗湛深訓詁著有春秋說耕心堂制藝已刊行

周佐人字相臣捐修石塘橋路丙午歲饑賑恤族黨計口給糧
延師以課鄰戚貧乏子弟造就尤多縣令汪大亨給獎聲著士
林額

吳延梅字遜說庠生父卒讓財兩叔不與爭競廬墓盡哀不避
風雨虎來繞墓馴如家畜人驚異之性喜施與精岐黃術汲汲
以濟人爲心學宮泮池淤淺出資濬治環整以石與弟貢生延

宜章縣志

十八卷

人物志

二六

相捐田二十畝充給學租居鄉立家塾數處并置膏火田以課
族中子弟子楚翹舉於鄉贈文林郎

吳兼次小貿營生薄有積蓄以石虎山昭德侯素著靈異地距
城遠春秋祈禱士女疲於奔命售其產就縣治後創建新廟邑
眾便之

謝衍振字翠章力農成家縣南下院多險道捐資修爲坦途糴
糶嶺路通莽山羊腸鳥道險峻難行伐石平治并構亭以供憩
息嘉慶元年壽逾七十縣令呈報恩賜九品頂戴

張順字敬亭任湖北興國營參將陞施南副將乾隆六十年鎮
筭苗叛協剿凱旋檄捕白蓮教匪嘉慶二年匪踞芭葉山率師

進攻不避礮石身受鎗傷奮勇不挫歷八十餘日奔馳數千里
俘馘無算論功賜一等巴圖魯授武義都尉順日夜嚴兵剿捕
餘孽回蹶長陽朱里寨從千嶺陡巖衝下順督兵截擊身受重
傷墜馬陣亡奏聞御批可惜二字卹如例子全賢襲雲騎尉任
鎮守鎮守備剿匪陣亡孫凌雲襲職署宜章營守備咸豐初剿
匪莽山力戰遇害三世皆沒戰陣一門忠義鄉里稱之省志
高雄勝由行伍從征金川拔補宜章營外委陞常德中營把總
隨征福建臺灣陞常德千總乾隆六十年調徵鎮守苗匪地名
鴨保寨奮勇爭先拔陞永綏協守備後與苗猾交鋒力戰陣亡
卹如例子師雲襲雲騎尉世職省志

宜章縣志

十八卷

人物志

二十七

吳集鑄字真樸父病籲天請代竟愈母羅氏足痺不能行扶持
溺溲不假人手居鄉排難解紛貧苦必周以附貢應乾隆丁酉
順天鄉試選入四庫館議叙雲南布政使經歷署雲南府同知
分防南關通判帶管京銅局務卒於官櫬歸滇民泣送數十里

以下乙亥舊志

蔡濂溪例貢生捐修黃沙堡城外東北二要路千餘丈捐田助
給仁恭水渡東溪邱某死其妻爲親屬逼嫁不從濂溪周給衣
食以全其節歲延師訓課鄉秀貧乏者資給膏火

歐陽志楨誠篤力田隆冬盛寒爲親溫席烟罔嶺爲通桂郡孔
道路峻行難栽松二三里蔚然道左行人忘暑

史茂莖喜濟人利物建橋築一所道有毒草見輒鋤之

李延球天性誠摯母老舉止維艱梳櫛盆匱必親任之冬溫夏清歷十餘年弗衰

李延桃字榮茂年四歲父客死潮州稍長遇清明節輒詢父墓所在母流涕告之延桃賣園土爲旅費往負骨歸時年尙十餘歲事母未嘗三日離左右母或不悅長跪受教母患頸癭危甚憂廢寢食祈禱請代竟愈

李茂仁字壽峯庠生言動不苟足不履城市惟以讀書自娛貧士來就學者免其脩脯任卹族鄰不以自德輯有朱柏廬家訓註證

宜章縣志

十八卷

人物志

二二八

陳嘉琬字玉輝弱冠入成均親老多疾祈禱龍虎山三年不飲酒茹葷父兄忌辰輒慟哭流涕刊刻格言傳播鄉里龍虎仙當是庵名待考

彭焯字壽亭監生好讀書應童子試歷三十年屢列前茅事親色養蒸蒸友於昆季以長厚稱於鄉訓一子成名長歲貢次食館學使吳稷堂題贈閑家輯帖額

黃繼憲例貢生知醫治人病不受酬丙午歲荒出粟賑濟立塾延師訓課貧苦子弟

黃宗鵬例貢生幼孤正直處世丙午歲饑與兄鵬各出粟百餘石以賑貧乏

黃德徽誠樸好善施平家塘渡田二畝以利行人

王隆沐字淑升歲貢生平生無疾言遠色橫逆相干亦退遜處之及論辨經史疑義旁引曲證令人解頤

杜世賢字蓋南庠生秉性廉潔嘗謂顏子樂道縱難企及原思狷介吾儕可勉環堵蕭然怡然自得課徒鄉里不履城市

吳楚翹字震湘號曠湖廸梅次子幼岐嶷能文試必高等曾南園張忍齋兩學使賞送嶽麓書院肄業嘉慶丙辰以優廩生舉孝廉方正賜六品頂戴總督姜巡撫景奏給學植行修額中辛酉科舉人倡建文昌宮及考棚號舍石桌棹主講養正書院三年孝友性成動循禮法毫猶好學志

宜寧縣志

十八卷

人物志

二九

宋中芹字俊士監生持身儉素喜善舉捐五百金修篋籬堡至天塘墟孔道以田五畝半施莽山絲茅坪渡倡建仁菴水石橋張聯豹幼孤家貧充戶胥代耕養母母病躬親澣滌垢穢終夜扶持抑搔卧於榻下憂勞成病母瘳令暫息力疾強起如故縣令徐以垣作詩表其孝

陳締京監生有房姪病聾啞九歲失怙恃撫之如子粟源堡城北青石坳亭久圯重建未果而沒遺命妻雷氏踵成之

劉統岐字鳴鳳弱冠應州試於城東先農壇見男婦相持泣壇內有人書紅箋問知爲周姓鬻妻償債統岐惻然取婚帖焚之借銀代償以餘銀給資生計

姚學崇字超嶽庠生弱冠時出銀米贍族隣倡建文昌閣延師課讀並給諸生膏火又倡捐學田以課族中子弟塾師桂陽舉人吳鯨公車缺資糶食穀百石贖之貧儒赴鄉試者輒賴其仗助縣中公舉義捐甚多

谷伸字美才由武生官某衛千總隆儒重道捐千金建鄉塾成就甚多

以下光緒省志

李萬蘭字楚桂幼失怙事母以孝聞好善樂施嘗捐千餘金倡建謙巖書院並置田九畝資膏火又指數百金助修縣城事成辭免議敘又捐水東渡田重修縣城書院其他建亭修路費嘗不貲歲饑竭廩以賑全活甚眾五世同堂卒年八十五

宜章縣志

十八卷

人物志

三十

周永基字滄瀛庠生與同里庠生陳富運倡建栗源書院永基捐千餘金富運亦捐田助膏火經營規畫其力尤多

姚天樞字慎言附貢生戶部廣東司主事咸豐庚辰科會試受卷官雅嗜學聘名宿課子弟及其嫻黨道光己酉咸豐辛酉子榮壽及甥吳先驊相繼選拔嘗捐田二十畝爲栗源義塾膏火歲暮製棉衣以恤貧苦病予藥歿予棺歲費數百金無吝色年七十餘卒勅封修職郎晉封奉直大夫中憲大夫子榮禮榮壽周祿天字純熙監生以醫濟人診不受謝拯溺嬰以千數歲四五月輒出倉穀貸族之匱乏者設渡施藥善舉尤多

吳楚寶字惟賢號連城道光丁酉舉人甲辰大挑一等授甘肅

高臺知縣縣故少科第捐俸修學宮月親課士訓迪有法自是
登鄉第者接踵移知通渭縣治獄多所平反有吳青天之頌後
由環縣檄署甯州時州民以前任浮收將騷動楚寶至核減
之并代完通賦事得解再補寧朔縣緝獲久逸巨盜將膺卓薦
遽以病卒

鄧鏡清字顯榮能詩文兼嫻韜畧咸豐二年父炳文治團練命
鏡清爲團長率鄉兵二百人尋捐貲增募倍其數躬爲訓練凡
毗連粵境關隘竭力防堵五年正月縣界有警急調護城敘府
經歷銜賞藍翎率所部同白沙巡檢謝永慶副將李輔朝移屯
平石嶺遇賊大戰捷知州趙啟玉兵潰九峯馳援有功晉五品

通渭縣志

十八卷

人物志

三一

頂戴旋奉檄權都司練軍皆隸麾下四月賊至平石接戰清水
江三鞏橋皆捷俄賊大至被圍諸營畏賊不肯進鏡清怒躍馬
大呼馳入賊陣死越二十五日家人獲其屍面如生時其弟經
邦亦率勇守隘五月賊由彬回窰擾都嶺經邦禦之會暮舉火
以戰有頃勢不支忽火光中見鏡清督兵至賊驚遂敗賊酋二
人手大旗跪不能起遂俘以獻復率眾追之斃賊幾盡事平鄉
人建祠英烈山下祀之知縣陳龍江額曰精忠

李澤泮字香泉恩貢生由鄉團軍功叙教職補平江訓導以功
加國子監正銜爲人真摯工詩著有芋香草堂詩集刊行寒峻
童名曩負雋才不爲人知澤泮飲食教誨之卒以成名引年歸

卒年八十子孫多列庠序子觀永縣丞歷任江西崇仁縣鳳崗
司巡檢代理知縣并署贛州定南廳下歷分司孫焱章廩貢生

向榮廩生末段增輯

鄺德益弟德月明尚書忠肅公裔孫也咸豐五年奉父避賊寶
雲山賊執其父泣拜乞代賊義而釋之後數賊至愈橫度不免
乃奮與賊鬪俾父乘間逃兄弟皆被害又諸生吳楚琅授徒於
外聞賊至急歸護母甫抵家為賊執賊知其文士令草檄擲筆
大罵賊怒殺之又文童李茂猷以伯母病篤不忍離賊至被害
蔣士謙諸生咸豐九年賊至被掠令掌書記不從脅至桂陽州
誘至再三不屈被害又文童吳開道以祖母老不能避遂俱留

宜章縣志 十八卷 人物志

被賊執不屈死又貢生吳光斗亦不屈死

王世隆宜章營守備咸豐五年九月隨同剿辦江西德安縣賊
擊賊城外三陂港死之

黃國泰隨總兵李茂春剿賊安慶奏給五品藍翎咸豐八年在

安慶陣亡

吳連升藍翎把總咸豐九年在潛山地靈港中傷殞命優卹如
例

蔣祿茂花翎守備同治三年三月在遂安截賊陣亡褒忠錄下同

李雙蔭咸豐七年十一月在吉安戰歿

雷三保咸豐十年九月擊賊於廣西蒼梧下邳地方戰死照例

給卹

彭正祥薛玉龍均千總同治六年在安慶府及蕪水縣等處陣

亡加恩贈守禦所千總省志下同

李德祥縣丞王誥家丁咸豐二年十二月初四日武昌陷縊死

城內廣福坊

賀兆卿附生帶勇有勞給六品軍功旋隨同官軍克復郴州叙

主簿咸豐八年入總兵周鳳山營襄辦營務積勞卒於江西建

昌營次

歐陽俊先充新田知縣施濟田字營哨長獎六品軍功咸豐九

年至廣西幫辦赫字營十年春同復郴州旋病歿

宜章縣志卷十八卷 人物志

三三三

李錦春宜章營右哨把總咸豐十年八月從參將李輔朝追賊

至粵西鳳頭嶺陣亡卹如例按鳳頭嶺在縣境省志作粵西誤

以上係照錄省志惟多未依時代順敘未便改編均仍其舊

耆壽表

禮祭義曰有虞氏貴德而尚齒夏后氏貴爵而尚齒殷人貴富而尚齒周人貴親而尚齒未有遺年者年之重於天下久矣三代以後引年之典著於令甲貴壯賤老匈奴夷俗則然中土未之間也宜章居民自昔多壽舊志人物明附耆彥自谷永松至鄺必發僅九十一人百歲以上者僅二人其例過寬凡年逾七十者悉予著錄且多漏畧調閱近城各族譜牒年逾八十者已不可勝數全縣合計豈止萬人天下達尊三鄉黨莫如齒亦必齒德俱尊乃足貴耳不然百歲猶為妖也舊志所錄有舉莫廢悉仍其舊新編則以經費支絀僅錄百歲以上者壽一表以合宜章縣志二十八卷

耆壽表

於古人尚齒之義焉

表一 徵舊

谷永松

儒勵行七旬壽時儒學李贈慶衍華齡額

彭元揚

勤樸好善隆師重道乾隆十九年奉旌建坊卒年百有二歲

鄺傳仁

字元美忠厚處世勤儉創業嘉慶十年壽百歲奉旌建坊卒年百有六歲

李淑庸

字能常秉性恬淡嘉慶元年壽逾九十賜七品頂戴

劉先哲

純謹篤厚嘉慶元年九十二歲賜七品頂戴

鄺必嶧

字魯山直樸好善嘉慶元年壽逾八十賜八品頂戴

歐陽用典

字帝生忠厚誠恪五世同堂年九十五歲

歐陽昌穆

字宗順醇厚勤儉眼觀五代年九十二歲

歐陽昌朝 歐陽昌欽 歐陽昌元 鄭榮恕

吳集漢 吳集河 吳集校 吳集梓

吳集憲 吳集慳 吳德淋 吳集澧

吳德浩 吳德晨 吳德晟 吳德景

彭紹基 彭宗海 彭當佑 段興道

鄧興朝 鄧興宗 鄧千渭 鄧林藻

鄧恭貴 劉承陞 廖國逾 陳名琬

王尙暉 王尙夙 謝衍拔 周興朝

黃吉龍 黃香志 文明魁 曹遠註

李朝舉 李成經 李經緯 譚秀州

宜章縣志 卷之十八

耆壽表

自歐陽用典以下四十二人嘉慶元年壽逾七十賜九品頂戴

黃順琦 醇厚孝友樂善好施 卒年九十八 歐陽時僭 慎謹樸素卒年九十

李當鳳 長厚寬和卒年九十 姚文選 端正白持一堂五世卒

邱天忠 年二十喪偶不娶州牧潘旌以壽義 鄭國璽 壽九十二乾隆三十六年恩賜肉帛

蕭學涼 勤止端莊一堂五世 卒年九十 李獻廷 力學恬淡卒年九十二

歐陽時周 渾樸純古卒年九十二 吳國是 廩生性純靜五世同堂卒年九十一

李德坤 勸善息爭卒年九十 王逢郵 謹守前訓五世一堂卒年八十九

曾世春 監生五世一堂卒年八十八 歐陽昌賓 公道處世卒年八十八

歐陽時祥 宅心忠厚卒年八十七 李延開 渾厚安詳卒年八十五

溫金元 涪州新設卒年八十五 鄧林楨 直樸友愛五世一堂卒年八十四

歐陽時游 孝友謹言卒年八十四

吳家鈞 持家勤儉五世同堂卒年八十三

歐陽志良 潔己自好卒年七十八

歐陽瑛 監生忠厚寡言卒年七十七

陳代魁 渾厚無華眼觀五代卒年八十八

鄧捷煥 敦龐節儉五世同堂壽九十五

蔣永璋 忠厚誠懇年九十四

歐陽鼎瑞 賦性淳樸五世同堂年九十三縣令贈人瑞二字額

黃興詩 端方醇謹五世同堂

歐陽昌誦 勸善息訟年八十九

段任周 端方寬厚年八十八

李增 副貢生好學安貧年八十四

蕭紹瑞 夫婦偕老五世一堂年八十四

蕭承銘 庠生五世同堂年八十

胡應聲 盛生力行孝友年八十四

周福官 監生慈實和壽年八十

譚存銘 庠生好善成美年八十四

譚玉美 精研周易能出新解年八十四

彭紹燿 恩貢禮法檢身年七十五

吳集發 歲貢謹恪退讓年七十一

宜章縣志 十八卷

耆壽表

三

周廷煥 篤於行義年七十五

段士元 優生監建文廟年八十

王佐聖 好養花人號花痴年八十

蔣昌浦 性友愛訓子姪大庠序年七十

鄒必發 正屆處世縣令贈望重耆英額年八十

按自鄒煥捷以下二十人舊志謂係現存耆壽卒年若干今不可考

表二 輯新 百歲以上

鄧良倫 生明萬曆時卒清康熙時壽一百十九歲妻壽一百七歲見女壽

牛永吉 清廩生壽一百三歲乾隆時縣令姜順以之上聞鄒賜匾額曰品潔風淳子武舉鳴湛孫二十一歲貢二附生九

谷友柏 一百一歲巡撫鄧贈百歲流芳額

歐陽宏汰 字高濤以商起家見義勇為壽一百四歲民國二十六年省政府贈碩德耆年額

鄧良章

生明萬曆時壽百一歲妻亦長壽見女壽

蕭承遠

百歲

鄉飲賓

鄧善志舊志云已登入人物傳者不重載

楊芝森

貢生篤志好學博極羣書康熙庚午舉鄉飲賓

鄧德普

庠生風度端凝存心長厚康熙庚午舉鄉飲賓

黃善森

庠生忠厚寬和有長者風康熙庚午舉鄉飲賓

彭顯選

好善樂施出粟賑饑止鬻妻者代償其債康熙庚午舉鄉飲賓

邱時升

貢生忠厚和平與物無競康熙甲午舉鄉飲大賓

吳先敬

庠生孝友謙和修諸牒以陸宗廣立學田以育人才康熙甲午舉鄉飲介賓

鄭之森

慷慨好義倡建萬歲橋以便行人康熙甲午舉鄉飲眾賓

宜章縣志

卷十八

耆壽表

四

蔡宗魁

庠生孝義醇謹義方訓子乾隆丙子舉鄉飲大賓

谷 龜

孝友淡泊樸樸後輩乾隆丙子舉鄉飲介賓

楊復焜

端方嚴毅好善樂施乾隆丙子舉鄉飲眾賓

曹泰臣

淳樸溫和勸止有法乾隆丙子舉鄉飲眾賓

李耀琮

淳龐儉約孝友可風乾隆丁丑舉鄉飲眾賓

彭必瑄

宅心仁厚處世公平乾隆丁丑舉鄉飲眾賓

按鄉飲酒禮儀禮有專篇漢承平二年令郡縣舉行於學校
晉隋以後率踵行之清初令各州縣每歲舉行先期由縣令
訪紳士之年高德邵者一人以為大賓次為介賓又次為副
賓皆由縣詳報撫署覈定其儀注先期一日執事者於儒學

講堂陳設坐次監禮席於庭東北向賓席於堂西北南向主
人席於庭東南西向眾賓之長三人席於賓西南向東上皆
專席不屬眾賓席於西序東向僚佐席於東序西向皆北上
司正席於主人之東北向設律令案於主介間正中又設尊
案一於東序端司正豫率執事習禮設樂西階下至日黎明
宰牲具饌監禮主人及僚屬司正先詣學遣人速賓介以下
比至出迎門外主揖賓介眾賓皆答揖賓入主由東賓由西
皆三揖而後升堂東西相向立兩拜交拜畢賓即席乃延介
一讓升拜如賓禮介即席乃延眾賓以次升主人揖皆答揖
即席主人率僚佐皆即席坐司正揚觶西階升詣堂東北

宜章縣志

卷十八

耆壽表

五

向立賓介以下皆起立彼此互揖司正舉酒致勸勉辭畢司
正飲酒飲畢司正揖賓介以下皆揖司正復位皆坐讀律令
讀畢供饌主酌酒以次詣賓介席交拜如前儀賓介以次酢
酒詣主席各兩拜執事者分左右立以次酌酒獻三賓眾賓
徧乃飲酒二三行供羹奏樂工升歌鹿鳴之章卒歌笙奏補
商陔詩閒歌魚麗笙奏補由庚詩乃合樂歌關雎之章卒歌
行酒飲無算爵撤饌賓介主皆興主東賓介西各兩拜訖分
東西行出庠門三揖退監禮者出主人送禮成皆退司正以
教官爲之贊禮以老成生員爲之主人爲知縣如無正官以
佐貳官代按舊志敘述辭繁不殺闕者目眩茲擇其要述之

古時養老之禮可以考見崖略焉

按嘉慶以後之書壽本已編成一卷以經費支絀紙料缺乏經大會決議取消亦編者所引為內疚者也惟年滿百歲者實屬人瑞且人數不多破例付印并附志之

封贈表

國體既更論者輒詆封贈為君主制度是固然矣然現行之褒揚條例非蛻化於封贈乎人若產自空桑無屬毛離裏之恩則亦已矣否則揚名顯親之義何可廢也茲分別列表如左

表一

鄒盛伯 以孫塾官贈通議大夫 鄒子輔 以子塾官贈通議大夫

宣章縣志卷之十八

鄧文端 以子本道官贈刑部郎中 鄧本 以孫廩官贈資政大夫

鄧紀 以子庫官贈資政大夫 高 以子蔭九官贈通議大夫

曾子仁 以子達官贈華昌府知府 黃愈 以子諱官贈徵仕郎

曾輝 以子執誠官贈徵仕郎 王 以子政修官贈徵仕郎

鄒 以子承寵官贈光祿寺

表二

李宏毅 以子學枚官贈奉直大夫 吳國璠 以子家章官贈修職郎

吳國璠 以子家邵官贈修職郎 谷昌陟 以孫敬儒官贈修職郎

谷孝楨 以子煥儒官贈徵仕郎 吳家 以孫德漢官贈修職郎

吳佳侃 以子德漢官贈修職郎 谷孝楨 以子敬儒官贈修職郎

李象旂以子淑龍官贈修職佐

吳德溥以孫楚翹職贈文林

吳延梅以子楚翹職贈文林

谷超以孫先許官贈登仕

谷敬俱以子先許官贈登仕

谷敬修以孫先許官贈登仕

黃吉炳以子昌裳職贈登仕

蔡捷先以子發軔官贈登仕

彭宗海以孫城職贈儒林

彭莊以子城職贈儒林

蔡光湖以孫謀文職贈儒林

蔡貽柏以子謀文職贈儒林

谷先讀以子宗銓職贈登仕

謝欽畏以子登三官贈文林

楊錫家以子樹本官贈文林

楊吐鳳以子慶芳官贈修職佐

楊慶光以子因培官贈修職佐

鄧正偕以曾孫高魁官贈振威

鄧亨文以孫高魁官贈振威

鄧泰修以子高魁官贈振威

宜章縣志

十八卷

封贈表

歐陽立鎮以曾孫德榮官贈通議

歐陽朝樸以孫德榮官贈通議

歐陽榮嵐以子壘官贈通議